

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 I 120604 25 I
Bugojno, 29.05.2025. godine

Općinski sud u Bugojnu, stručna saradnica Razić Amina, u izvršnom postupku tražioca izvršenja Općina Gornji Vakuf-Uskoplje, Vrbaska bb zastupana po zakonskom zastupniku Općinskom pravobranilaštvu Gornji Vakuf-Uskoplje protiv izvršenika Vukadin Marinko, vl.OR NATURAL WOOD iz Gornjeg Vakufa-Uskoplje radi duga, vrijednost spora 204,75 KM, dana 29.05.2025. godine donio je sljedeći:

ZAKLJUČAK O PRODAJI

Rješenjem Općinskog suda u Bugojnu broj 46 0 I 120604 25 I od 31.01.2025. godine dopušteno je izvršenje protiv izvršenika Vukadin Marinko, vl.OR NATURAL WOOD, radi namirenja potraživanja tražioca izvršenja prodajom pokretnih stvari izvršenika.

Dana 16.04.2025.godine zaplijenjene su i popisane pokretne stvari izvršenika, te se

1.Određuje se prva prodaja pokretnih stvari izvršenika:

R.br.	Opis popisanih stvari	Kom.	Vrijednost
1	STOLNA KRUŽNA PILA-CIRKULAR, MARKA BEWALT	1	1.000,00 KM

i to putem usmenog javnog nadmetanja na dan **21.08.2025.godine u 09.00** sati, u zgradi Općinskog suda u Bugojnu, ured broj 2.

2. Utvrđuje se da je vrijednost pokretnih stvari iz tačke 1. ovog zaključka u ukupnom iznosu od **1.000,00 KM**.

3. Na ročištu za javno nadmetanje kao kupci mogu učestvovati lica koja su do početka nadmetanja položila osiguranje koje iznosi 1/10 procijenjene vrijednosti. Prije početka nadmetanja ova lica su dužna Sudu predati dokaz da su osiguranje platili na depozitni račun broj 1011300000295629. Ponuđačima čija ponuda nije prihvaćena, osim za tri najbolja ponuđača, vratit će se osiguranje odmah nakon zaključenja javnog nadmetanja. Ročište za javno nadmetanje održat će se i kad prisustvuje samo jedan ponuđač.

4. Najniža prihvatljiva ponuda po kojoj se predmetne stvari mogu prodati jeste 1/2 utvrđene vrijednosti, po jednoj stvari.

5. Ponuđač s najvećom ponudom dužan je platiti cijenu odmah nakon objavljivanja rezultata ročišta za prodaju (u roku od 15 dana). Ako to ne učini, drugi ponuđač će biti proglašen kupcem i bit će dužan platiti cijenu koju je ponudio i tako redom.

6. U slučaju da nijedan ponuđač ne plati cijenu, Sud će, na zahtjev jedne od stranaka, objaviti da ročište za prodaju nije uspjelo, a stranka može, u smislu odredbe člana 131. stav 3. Zakona o izvršnom postupku ("Sl. novine FBiH" br. 32/03 i 33/06), u roku od osam dana tražiti zakazivanje novog ročišta.

7. Ukoliko nijedna stranka ne predloži održavanje novog ročišta za prodaju u roku iz tačke 5. ovog zaključka ili ako se stvari ne uspiju prodati na drugom ročištu, Sud će, u smislu stava 5. navedenog člana, postupak obustaviti.

8. Ovaj zaključak o prodaji objavit će se na oglasnoj tabli Suda, a tražilac izvršenja ga može objaviti i u javnim glasilima, o svome trošku.

Stručna saradnica
Razić Amina

Pouka o pravnom lijeku:

Protiv ovog zaključka nije dopušten pravni lijek.